



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philippi Clvveri[i] Sicilia Antiqua

Clüver, Philipp

Lvgdvni Batavorvm, 1619

Phil. Clvveri[i] Praefatio ad Sicvlos.

urn:nbn:de:hbz:466:1-14145

PHIL. CLUVVERI

P R A E F A T I O

ad

S I C V L O S.



Nicversi terrarum Orbis antiquitatem haud
vulgari studio atque operâ illustrare nuper
quum instituerem, magnam me ubique apud sin-
gulas genteis initurum gratiam atque laudem,
haud dubius sperabam, si unus ego post tot sa-
cula, quibus hactenus id studium neglectum i-
gnoratumque fuit, diligentius curatiusque in
eâ scientiâ instaurandâ laborarem, qua multum esset profutura om-
nibus literarum artiumque bonarum studiosis, tum ipsis locis glo-
riam additura ingentem. eoque maiori animo ac conatu rem tam
difficilem, tamque improbam, adgressus sum. Verùm id longè contrà
e-venit. quidpe, simul ac primum geographicorum meorum labo-
rum specimen, quo ea terra describebatur, qua non minus mihi ex-
plorata erat, quam ipsis incolis, in lucem publicam dedi; protinus in-
vidi quidam, maligni, ac per-versissimi ingenii homines profiluerunt,
qui eum laborem publicis scriptis oppugnare ac planè exstingere
summâ ope omnibusque viribus admissi sunt: hanc unam ob causam,
ut ipsi profitentur, quod exterus ego indigenishunc de illustratâ eo-
rum patriâ plausum eripere fategerim. Idem apud eos, VIRI SI-
CULI, ne mihi accidat; pauca quadam prafanda putavi. Terram
Siciliam, omnium secundum Graciam terrarum celebratissimam, e-
go descripti; homo exterus; in extremo ferè Septemtrione apud Vistule
ostia natus, apud Rheni exitus eruditus atque edocitus eam scientiam,
quam profiteor. Id ne miremini. usus in eâ re sum eâdem ope iisdem
que auxiliis, quibus unis Siculus etiam homo instrui poterat. nempe di-
ligenti ac sollicitâ veterum auctorum lectione; tum ipsâ locorum sedu-
lâ inspectione. insulam quidpe vestrâ meo pede, uno comitante socio,
obici omnem; accurate in singula inquirens, oculisque lustrans. Licet
ea re haud perinde opus erat, post admirandam illam ac penè in-
credibilem nobilissimi patriarcharum rerum scriptoris, Thoma Ex Zelli,
diligentiam. cui ego pares alios in illusfrandis patriarcharum terrarum
antiquitatibus valde desidero; nec reperio. nam ii si essent, longè fa-
ciliori labore perficere ea daretur, ad quorum cognitionem nunc,
misi

P R A E F A T I O.

nisi per durissimas summasque arumnas peruenire hanc licet. Nec bonorum idoneorumque auctorum ignarus fuit Fazellus. hos quidem omnes, quotquot eius saculo reperiebantur, summam cum curam eum legisse, & rejectis anilibus fabularum nugis, quibus ferè alii opera sua fecerunt, religiose sequutum video. Verum idem quum haud semel ab illorum mente infelici conjectura aberraverit; & longè aliena adseruerit: aquo patiamini animo, si ab eius sententia atque auctoritate ad meliora verioraque nonnumquam recedam. Licet heic idem mihi, homini extero, quod vobis, viri nobilissimi atque doctissimi, IOSEPHE BONFILI, VINCENTI MIRABELLA, & MARIANE VALGVARNERA, hominibus Siculis in accuratissimis vestris nuper licuit operibus, quibus acutis antiquitates magis magisque illustrare gnatius perrexistis. Non id mihi heic actum, ut vel Fazello vel vestrum cuiquam illustrata Sicilia plausum laudemque eriperem: sed uti veritas ipsa paullo certioribus rationibus documentisque verioribus constaret. Plurimo mihi fuisse adjumentocum illius tum vestram singularem curam atque diligentiam; vel eo ipso satis ingenuè me fateri censeo, quod vestris quamfrequentissime utar verbis; etiam in rebus, quas ipse coram sedulus perspexi. quod quidem eò feci, quò maiorem mihi ex auctoritate vestra apud populares vestros struerem fidem. tum, quò multa antiquatum vestigia atque reliquia, qua pòst penitus interiere, Fazelli adhuc etate existabant. Ceterum magnitudo voluminis ne vos terreat. Non auctoritate tantum, ut à plerisque factum video, atque nutu meo huc illuc legentium animos impelli cupio: sed ipsis veterum auctorum verbis ac testimoniis, qua sint falsa, refellere, qua vera, adserere, ubique mihi institutum est: uti eà ratione per se quisque posse videre, quid de singulis sit judicandum. Sicilia autem vestra antiquitates multo maximam ex parte à Gracis adnotata sunt scriptoribus. quorum sermonem quum non omnes pariter intelligent; Latina interpretatio necessario adjienda fuit. neque enim per paucis & doctissimo cuique, sed omnibus cognoscendi cupidis, & paullo etiam rudioribus hac elaborata volo. Graciam igitur orationem, vel interpretationem Latinam, si demas. plus tertia parte magnitudini voluminis decedet. Tum hoc mihi in veteri geographiâ restaurandâ maxime propositum; uti non solum regiones singula describantur; sed et quidquid ubique apud omne genus aucto-

P R A E F A T I O.

auctorum occurrit, quod sine geographia cognitione intelligi nequent, id uti per eam clarum reddatur. Hinc sape super unā eademque re, licet minus dubia, plurimū citantur auctorum similia ac paria verba. Interdum eo ipso caretur, ne cōtitatum aliquod vocabulum cōidentur. tum multa etiam corrupta ac depraēdata auctorum loca restituuntur. denique proprietatum nominum grammatica formationes ubique diligentius peraguntur. Ita, uti planè philologica h.e commentationes nostra haud immerito appellari possint. Sed de his satis. In terra vestra, VIRI SICULI, notitiā sicubi forte erratum, benigni ignoscatis oro. Omnia vero, inquit Justinianus imperator, memoriam habere, & in nullo penitus errare, divinitatis potius, quam mortalitatis est. Monitionis gratiam, quam reprehensionis invidiam, sibi conciliasse, præstare memineritis.
Valete.

Index tabularum geographicarum.

- I. Siciliæ antiquæ descriptio, Latinis vocabulis.
- II. Siciliæ antiquæ descriptio Græcis vocabulis.
- III. Veterum Syracusarum typus.
- III. Insularum orientali Siciliæ lateri adjacentium, & item geminæ Melitæ, typus.
- V. Sardiniae & Corsicæ descriptio.

A R G V.